

**CONVOCATORIA DE AXUDAS Á INVESTIGACIÓN NOS CAMPUS DE  
ESPECIALIZACIÓN CAMPUS TERRA E CAMPUS DA CIDADANÍA**

**UNIVERSIDADE DE SANTIAGO DE COMPOSTELA**

**VICERREITORIA DE INVESTIGACIÓN E INNOVACIÓN**

**2018**

### **1.-OBJECTO DA CONVOCATORIA**

A convocatoria ten por obxecto apoiar e impulsar os principios de especialización, excelencia científica, posicionamento internacional e impacto de resultados que definen a estratexia competitiva dos Plans Estratéxicos dos Campus de Excelencia Campus Terra e Campus da Cidadanía en materia de I+D.

Con ese obxectivo xeral, as axudas poderán financiar iniciativas nas seguintes modalidades:

1. Modalidade CAMPUS TERRA: Axudas dirixidas a mellorar a capacidade de captación de recursos a través da presentación de proxectos colaborativos promovidos coa participación de varios grupos.
2. Modalidade CAMPUS DA CIDADANÍA:
  - a. Axudas dirixidas a mellorar a mobilidade dos doutorandos, investigadores e profesores fóra do sistema universitario galego e promover estadias de investigadores visitantes estranxeiros para facilitar o *mentoring* dos investigadores en formación ao tempo que fortalecer as capacidades de I+D propias
  - b. Axudas dirixidas a mellorar a capacidade de captación de recursos a partir da participación en convocatorias internacionais ou da presentación de proxectos colaborativos promovidos coa participación de varios grupos.

### **2.-BENEFICIARIOS**

Con carácter xeral, poderán solicitar estas axudas os coordinadores dos grupos de investigación que figuren no Catálogo de Investigadores e Grupos de Investigación da Universidade de Santiago de Compostela na data de publicación desta convocatoria. A composición do grupo que se terá en conta para a avaliación das solicitudes será a existente nesta mesma data.

De xeito complementario, e a efectos de incentivar a integración de obxectivos e capacidades nos ámbitos dos respectivos Campus priorizaranse as seguintes solicitudes:

1. Modalidade CAMPUS TERRA: Propostas nas que participen dous ou mais grupos que figuren no Catálogo de Investigadores e Grupos de Investigación da USC con sede no Campus de Lugo e que non teñan axudas de Grupo activas en 2018 correspondentes ao programa de Consolidación e Estruturação de Unidades de Investigación Competitivas financiada pola Xunta de Galicia ou que se presentaran na convocatoria do programa no ano 2018. A composición do grupo que se terá en conta para a avaliación das solicitudes será a existente na data desta convocatoria.

2. Modalidade CAMPUS DA CIDADANÍA: Propostas nas que participen grupos asociados aos Centros, Institutos e Departamentos definidos como base académica do Campus da Cidadanía no Plan Estratéxico (páx46-47) aprobado no Consello de Goberno de 1 de decembro de2017<sup>1</sup>

### 3.-CONCEPTOS SUBVENCIONABLES

O importe destas axudas irá destinado a financiar, en todo ou en parte, os seguintes conceptos:

#### A. MODALIDADE CAMPUS TERRA:

A realización dos traballos conducentes ao deseño dun proxecto de investigación enmarcado nunha convocatoria de I+D+i activa en 2019,ou a realización de estudos conxuntos que favorezan a cooperación entre grupos de áreas científicas diferentes e o desenvolvemento de novas liñas e capacidades colaborativas.

Considéranse custos elixibles para estas accións os propios dun proxecto de investigación (funxible, mobilidade, asistencia técnica, servizos, persoal...)

As propostas deberán estar vinculadas a algún dos seguintes eixes: Producción Animal Saudable e Sostible, Xestión Forestal Sostible, Agricultura Sostible, Alimentación Segura e Saudable, Biodiversidade e Infraestruturas Verdes. Non obstante, poderán ser valoradas propostas que sen estar vinculadas a estes eixes demostren un impacto relevante no impulso á produción científica do campus e á súa articulación coa contorna económica e social.

#### B. MODALIDADE CAMPUS DA CIDADANÍA:

- a) Gastos de mobilidade (viaxe e estadía) de doutorandos, investigadores e profesores que pertencen aos grupos elixibles nos termos sinalados no apartado 2 (Beneficiarios), ou ben de investigadores visitantes.
- b) A realización dos traballos conducentes ao deseño dun proxecto de investigación enmarcado nunha convocatoria de I+D+i activa en 2019,ou a realización de estudos conxuntos que favorezan a cooperación entre grupos de áreas científicas diferentes e o desenvolvemento de novas liñas e capacidades colaborativas.

Considéranse custos elixibles para estas accións os propios dun proxecto de investigación (funxible, mobilidade, asistencia técnica, servizos, persoal...) ou das accións competitivas de mobilidade.

### 4.- FINANCIAMENTO

O financiamento da presente convocatoria distribúese do seguinte xeito:

4.1.- MODALIDADE CAMPUS TERRA: Importe máximo de 20.000 € financiado con cargo a aplicación orzamentaria 8032-7G01-64100

4.2.- MODALIDADE CAMPUS DA CIDADANIA: Importe máximo de 45.000 € financiado con cargo a aplicación orzamentaria 8050-7G29-64100.

---

<sup>1</sup>[http://www.usc.es/export9/sites/webinstitucional/gl/web/descargas/Plan-Estratexico-Campus-da-Cidadania\\_USC.pdf](http://www.usc.es/export9/sites/webinstitucional/gl/web/descargas/Plan-Estratexico-Campus-da-Cidadania_USC.pdf)

Estas axudas están financiadas no marco do Convenio de colaboración entre a Consellería de Cultura, Educación e Ordenación Universitaria e a USC para o Desenvolvemento de Accións Estratéxicas de I+D, ano 2018.

## 5.-CONTÍA DAS AXUDAS

O importe das axudas será establecido pola Comisión de Selección en función do orzamento dispoñible e do número de solicitudes presentada. Esta Comisión poderá fixar unha porcentaxe de cofinanciamento. O máximo a percibir por axuda será de 5.000 €.

## 6.-PROCEDEMENTO DE PRESENTACIÓN DE SOLICITUDES

As solicitudes, dirixidas á Vicerreitoría de Investigación e Innovación, presentaranse a través da sede electrónica da USC, achegando a seguinte documentación:

**Anexo I**, que deberá recoller unha breve e suficiente descrición, unha estimación económica detallada así como a xustificación do interese da axuda solicitada. No caso de peticións de material, reparacións, obras, instalacións, mantemento, etc. deberán presentarse alomenos dous orzamentos.

## 7.-PRAZO DE PRESENTACIÓN

Esta convocatoria permanecerá aberta ata o 10 de setembro de 2018 ás 14 horas.

## 8.-INSTRUCCIÓN DO PROCEDEMENTO

A instrución do procedemento desta convocatoria correspóndelle á Vicerreitoría de Investigación e Innovación. Para este fin comprobarase que todas as solicitudes presentadas reúnen os requisitos establecidos.

## 9.-ADMISIÓN DE SOLICITUDES

Rematado o prazo de presentación de solicitudes ditarase resolución, declarando aprobada a listaxe provisional de admitidos e excluídos que poderá consultarse no taboleiro electrónico da USC con indicación, de ser o caso, da(s) causa(s) de exclusión.

Os solicitantes excluídos disporán dun prazo de CINCO días naturais, contados a partir do seguinte ao da publicación da citada resolución, para poder emendar ou acompañar os documentos que motivaron a súa exclusión.

A subsanación farase UNICAMENTE a través da sede electrónica da Universidade de Santiago de Compostela.

Os solicitantes que, dentro do prazo sinalado, non emenden a causa que motivou a exclusión ou aleguen a omisión, xustificando o dereito a seren incluídos na relación de admitidos, serán definitivamente excluídos. A listaxe definitiva poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>).

Contra a exclusión definitiva poderase interpoñer recurso potestativo de reposición, no prazo dun mes, ante o Reitor, ou ben recurso contencioso-administrativo no prazo de dous meses, contados a partir do día seguinte ao da publicación da mesma, perante o xulgado contencioso-administrativo de Santiago de Compostela.

O feito de figurar na listaxe de admitidos non prexulga que se lles recoñeza aos solicitantes a posesión dos requisitos esixidos, que terán que acreditarse no seu momento.

## 10.-CRITERIOS DE AVALIACIÓN E SELECCIÓN

As solicitudes serán obxecto de avaliación por parte da Comisión de Selección, aplicándose os seguintes criterios,

- i. Puntos acadados polos grupos de investigación asinantes da solicitude no último ano avaliado de Producción Científica, ponderados en función do número de Grupos e de membros por Grupo. A estes efectos, na ponderación polo número de membros do Grupo, dividiranse os puntos acadados na PC polo número de membros do grupo de investigación. Primarase o número de Grupos que apoian a proposta, polo que se sumará o valor ponderado de cada Grupo asinante da solicitude.
- ii. Número de Investigadores en Formación e Perfeccionamento que formen parte do grupo de investigación, ponderados en relación ao número de membros do Grupo.
- iii. Viabilidade e interese da solicitude presentada.

Atendendo á natureza das axudas, no proceso de avaliación teranse en conta tanto as dificultades de financiamento conxuntural dos grupos, como as singularidades nos procesos de produción científica das diferentes áreas científicas.

Os datos para a avaliación e selección das solicitudes serán os que figuren rexistrados nas bases de datos da Vicerreitoría de Investigación e Innovación e serán aportados de oficio ao expediente.

## 11.-COMISIÓN DE AVALIACIÓN

A Comisión de avaliación encargada de avaliar as solicitudes estará composta por:

- Presidente: Vicente Pérez Muñuzuri, Vicerreitor de Investigación e Innovación.
- Secretario: Rogelio Conde-Pumpido Tourón, Director da Área de Xestión de I+D
- Vogais:
  - M<sup>a</sup> Elvira López Mosquera, Adxunta á Vicerreitoría de Coordinación do Campus de Lugo para Investigación, Transferencia e Innovación.
  - Dous representantes designados pola Comisión de Investigación delegada do Consello de Goberno

Os membros da Comisión deberán absterse de intervir, notificándolle ao reitor da Universidade, cando concorran neles circunstancias previstas no artigo 23 da Lei 40/2015 do 1 de outubro, de réxime xurídico do sector público. Así mesmo os aspirantes poderán recusar aos membros da comisión cando concorra algunha das circunstancias antes citadas.

Logo da convocatoria do presidente, a comisión constituirase coa asistencia de todos os seus integrantes. Na dita sesión, a comisión acordará todas as decisións que lle correspondan para o correcto desenvolvemento do proceso .

A partir da súa constitución a comisión, para actuar validamente, requirirá a presenza, como mínimo, do presidente, secretario e un dos restantes membros.

A comisión resolverá todas as dúbidas que puidesen xurdir na aplicación destas normas así como o que se deberá facer nos casos non previstos.

A comisión elaborará a proposta de adjudicación, que será elevada ao Reitor da USC para a súa adjudicación definitiva.

## 12.-PROCEDEMENTO DE RESOLUCIÓN

A Comisión de Avaliación determinará as accións que se financiarán ao abeiro desta convocatoria e o montante económico que recibirá cada unha delas. A resolución de adxudicación será asinada polo Vicerreitor de Investigación e Innovación e poderá consultarse no taboleiro electrónico da USC (<https://sede.usc.es/sede/publica/taboleiro/inicio.htm>).

A resolución expresa ou presunta que poña fin á vía administrativa poderá ser impugnada polos grupos de investigación mediante recurso potestativo de reposición ante o Reitor.

## 13.-LIBRAMENTO DA AXUDA

As axudas serán transferida á partida orzamentaria aplicada a cada grupo beneficiario ou, de ser posible, a indicada polo mesmo.

## 14.-XUSTIFICACIÓN

Os gastos deberán realizarse **antes do 20 de novembro de 2018**, e a xustificación será enviada á Vicerreitoría de Investigación e Innovación antes do **1 de decembro**, utilizando o modelo que figura como Anexo II. O incumprimento desta condición suporá a obriga de devolución da cantidade percibida.

O Crédito da axuda non xustificada será recuperado pola Vicerreitoría.

## 15.-RECURSOS

Esta convocatoria poderá ser impugnada mediante recursos potestativo de reposición ante o Reitor, no prazo dun mes, contado a partir do día seguinte ao da súa publicación, segundo o disposto nos artigos 123 e 124 da Lei 39/2015, de 1 de outubro do procedemento administrativo común das administracións públicas, ou ben directamente recurso contencioso-administrativo no prazo de dous meses ante o Tribunal do Contencioso Administrativo de Santiago de Compostela, de conformidade co artigo 46 da Lei 29/1998, do 13 de xullo, reguladora da xurisdición contencioso-administrativa.

## DISPOSICIÓN FINAL.

Non axustarse aos termos da convocatoria, o incumprimento dos requisitos nela establecidos, a ocultación de datos, a súa alteración ou calquera manipulación da información solicitada será causa de desestímulo da solicitude presentada.

A presentación de solicitudes implica o coñecemento e a aceptación destas bases.

Santiago de Compostela, 12 de xullo de 2018

O Reitor

Por Delegación R.R.20/06/18 DOG 29/06/18

O Vicerreitor de Investigación e Innovación

Vicente Pérez Muñuzuri